

37 (419)

2004 йил 8 сентябрь

Чоршанба

Маҳалла

Газета 1996 йил январь оидан чиқа бошлаган

Ўзбекистон Оқсоқоллар кенгаши, «Маҳалла» жамғармасининг нашри Чоршанба кунлари чиқади

«УНИВЕРСИАДА-2004»

ЁШЛИК ВА СПОРТ БАЙРАМИ

Самарқанд вилояти

7 сентябрь куни Самарқандда «Универсиада-2004» спорт ўйинлари ниҳоясига етди. Тўрт кундирки, Самарқандда спорт ва ёшлик байрами, Универсиада ўйинлари — ёшларга хос шижоат, жўшқинлик гўё кўҳна шаҳарни яшартириб юборгандай. Муҳташам бинолар, рангин байроқлар, кўзни қувнатувчи гулзорлар шаҳар ҳуснига хусн кўшган. Бутун мамлакат ёшларини Самарқандда учраштирган, дўстлаштирган, беллашувларга чорлаган «Универсиада — 2004» мусобақалари якунига етди.



Юртбошимиз ташаббуси билан вужудга келган «Умид ниҳоллари», «Барқамол авлод» ва «Универсиада» ўйинлари ёшларимиз ҳаёт тарзининг ажралмас қисмига айланиб бормоқда.

Ёшлик ва гўзаллик, спорт ва санъат кўригига айланган бу беллашувлар ўзбек фарзандларининг келажак сари ташлаган дадил қадамидир. Зеро, спорт инсонни нафақат жисмоний, балки маънавий камолотида ҳам муҳим аҳамиятга эга.

Бу улкан спорт байрами муносабати билан вилоятда мустаҳкам спорт базаси яратилди.

Тўрт кун давомида Қорақалпоғистон Республикаси, Тошкент шаҳри ва вилоятлардан келган талаба ёшлар спортнинг ўн тўрт тури бўйича беллашдилар. Мусобақалар нафақат бу қадим шаҳарда, балки вилоятнинг Жомбой ва Тайлоқ туманларидаги замонавий спорт иншоотларида ҳам ўтди.

...Самарқанддаги ўн беш минг томошабинни бағрига олган улкан стадион. Чорлов мусихаси янгради. Турфа рангдаги байроқлар ёшлик ва гўзаллик тимсолига айланган.

Мусобақалар давомида голибларга 230 олтин, 230 кумуш ва 251 бронза медали топширилди.

Ниҳоят, спорт ўйинларининг энг ҳаяжонли дамлари бошланади.

Ўзбекистон Республикаси Президенти Ислам Каримовнинг совғаси — «Дамас» автомашинаси, олтин медаль ва биринчи даражали диплом Тошкент-1 жамоасига берилди.

Самарқанд вилояти терма жамоасига Президент совғаси — «Дамас» автомабили, кумуш медаль ва иккинчи даражали диплом топширилди.

Президент совғаси — «Дамас» автомашинаси, бронза медал ва учинчи даражали диплом Наманган вилояти спортчиларига насиб этди.

Универсиадада ҳеч бир жамоанинг интилишлари эътиборсиз қолмади. Тақдирлаш маросимида кўплаб рағбатлантирувчи мукофотлар ҳам топширилди.

Мусобақаларнинг Самарқанд осмонини нурафшон этиб турган машъаласи аста сўнади. Универсиада байроғи навбатдаги мезбон — Тошкент шаҳри талабаларига топширилди.

Тадбир санъаткорларнинг катта концерти билан якун топди.

«Универсиада — 2004» спорт ўйинларининг ёпилиш маросимида Ўзбекистон Республикаси Бош вазир Ш.Мирзиёев, Самарқанд вилояти ҳокими М.Нурмуродов иштирок этди.

Воҳид ЛУҚМОНОВ, Зоҳир ТОШҲУҲАЕВ, Акбар ҚАРШИЕВ, Ўза МАХСУС мухбирлари



«Универсиада — 2004» мусобақаларига ташриф буюрган спортнинг кураш тури бўйича фахрийлар ўртасида жаҳон чемпиони А.ИСТОМИН (чапдан иккинчи) фахрий ва ёш полковлар даврасида. Р.ГАЛИЕВ олган суратлар.

- 2 **Яхшиликнинг нархи қанча?**
- 3 **Аёл яхши маслаҳатчи бўла олади!**
- 4 **Шайх Саъдий шукроналик ҳақида**
- Мехнати қадрланган оқсоқол **Қозигини йўқотган от(а)...**
- Маъмун Академияси неча ёшда?

МАҲАЛЛА УЧУН ИНШООТЛАР

Сирдарё вилояти

ГУЗАРЛАР ИШГА ТУШДИ

Сирдарё шаҳридаги Навруз маҳалласида Ўзбекистон мустақиллигининг 13 йиллиги нишонланган кунларда янги гузар очилди. Уни тадбиркор Зоир Отает ўз маблағи ҳисобидан қуриб берди. Маҳлуфада турли тадбирларни ўтказиш учун катта зал, маийши хизмат ва савдо шохобчалари мавжуд. Бу байрам кунлари фойдаланишга топширилган кўп-таб иншоотлардан биридир. Шаҳар марказида супермаркет ва 50 кишига мўлжалланган ресторанинг икки қаватли биноси очилди. Малик қишлоғида эса дорихона ва фитобар ишга тушди.



— Инсон учун фарзандлари, набираю абираларининг камолини, тўйларини кўришдан ортиқ бахт бўлмас керак. Айниқса, уларнинг мусаффо осмон остида тинч-хотиржам улғайишларини кўриш мислсиз саодатдир, — дейди Янгийўл туманидаги А.Ортиқов номли маҳалла фуқароси 90 ёшли Қувондик ота АГАЕВ. Отаҳон Мустақиллигимизнинг 13 йиллик байрами арафасида ўтган ўн нафар набираю абираларининг суннат тўйига бош-қош бўлди.

СУРАТДА: Қувондик ота «тўй бола» набиралари даврасида.

ВАТАН АБГАН СЎЗ

Ватан сўзи нақадар буюк!
Аввал уни англамоқ керак.
Тупроғини тиллодай суюб,
Тасаввурни рангламоқ керак.

У бахт, бедаво дардмас,
Отин айтиб ҳайқирини шартмас,
Ортга назар ташлаб бир пас,
Тафаккурни жамламоқ керак.

Не бир зотлар қўлида қурол,
Шу ер учун курашди ҳалол.

Шаҳид жонлар ҳаққи бемалол —
Қароғларни намламоқ керак.

Ушалгайдир бир куни орзу,
Шояд уруш — алмисоқ мавзу.
Бўйни узун тўйларнинг оғзи —
Музейларда зангламоқ керак.

Ҳозир қўлга қаламини олдим,
Шеърни бошлаб, ўйлаиб қолдим...
Ватан ҳақда сўйлашдан олдин —
Ҳар бир сўзни танламоқ керак.

Яшамоқдан недир муддао?
Унутиб ҳам қўямиз гоҳо.
Ёзганимга энг ҳолис баҳо —
Халқ тилида янграмоқ керак!

Ориф ТЎХТАШЕВ

Шириш шаҳридаги А.Набиев номли маҳаллада «Ёқуб ота» деб аталган янги гузар очилди. Объектларни қуриш ва реконструкция қилиш, худудни ободонлаштириш, хоналарни безаш ишларини «СирдарёТЭС» очик акционерлик жамияти молиялади. Гузарда ёпиқ дехқон бозори, чойхона, футбол, баскетбол, волейбол ўйнаш мумкин бўлган спорт мажмуи бор.

Спорт залида Шарқ яқураши ишқибозлари учун машғулотлар ўтказилмоқда. Гузар худудида маҳалла фуқаролар йиғини, участка милиция нозир хоналари жойлашган.

А.АДИЗОВ,
Ўза мухбири

Навоий вилояти

ТҮЙ-ҲАШАМЛАР МАРКАЗИ

Навоий шаҳрида «Туй-ҳашамлар маркази» иш бошлади. Уни ташкил этишдан мақсад туй-ҳашам, мағрақа ва маросимларни ихчамлаштириш ва камхарж ўтказишни таъминлашдан иборат.

Марказ аҳолига нисбатан арзон нархларда олти турдаги кафолатланган маданий-маийши хизмат кўрсатади. Жумладан, туй эгаларига санъаткор, сураткаш, оператор ва зарур жиҳозларни етказиб беради.

Янги марказда юздан ортиқ янги иш жойи очилди.

Ёркул УМАР,
Ўза мухбири

Қашқадарё вилояти

МУҲЖАГУДАДА «БАХТ УЙИ»

Косон шаҳридаги Муҳжазул маҳалласида янги «Бахт уйи» биноси фойдаланишга топширилди.

Бу ерда нафақат фуқаролик ҳолати далолатномалари қайд этилади, балки янги оила қурган ёшларга турли маслаҳатлар берилди, улар учун турли кўнгиночар кечалар, учрашувлар, давралар ташкил этилади.

Бу кўркам ва замонавий бино учун Толиб Эрқулов бошлиқ «Бунёдкор» хусусий ишлаб чиқариш корхонаси 90 миллион сўм сарфлади. Қурилиш-монтаж ишлари ҳам шу корхона бунёдкорлари томонидан амалга оширилди.

Қ.ЭГАМБЕРДИЕВ

Янги парламент сайлов қандай бўлади: халқаро анжуман

ДЕМОКРАТИК ТАРАҚҚИЁТ ПИЛАПОЯСИ

Яқинда Ўзбекистон Республикаси Президенти ҳузуридаги Давлат ва жамият қурилиш академиясида «Олий Мажлиса сайловлари: Ўзбекистонда ҳуқуқий давлат ва фуқаролик жамияти қурилиши муҳим босқичи» мавзусида халқаро илмий-амалий конференция бўлиб ўтди.

Анжуман мазкур академия ва Ўзбекистон Республикаси Марказий сайлов комиссияси, Германиянинг Конрад Аденауэр, Фридрих Эберт жамғармалари билан ҳамкорликда ташкил этилди.

Тадбирни ўтказишдан қўзланган мақсад Ўзбекистонда сайлов тизимини такомиллаштириш ва бу борда маҳаллий ва хорижий тажрибаларни ўрганиши, мавжуд муаммоларни таҳлил этиш, уларнинг ечимларини топидан иборат, — деб таъкидлади анжуманни очар экан, бош вазир ўринбосари, Ўзбекистон Республикаси Президенти ҳузуридаги Давлат ва жамият қурилиш академияси ректори А.Азизхўжаев. — Шу боис унга халқаро экспертлар, халқаро ташкилот ва жамғарма-

лар, АКШ, Россия, Германия, Франция, Буюк Британия, Италия, Япония, Туркия, Исроил, Хиндистон, Польша, Украина, Латвия, Озарбайжон, Қозғистон, Қирғизистон, Тожикистон каби мамлакатларнинг турли жамоат ва давлат ташкилотлари, юртимизда фаолият кўрсатаётган хорижий давлатлар элчихоналари ва партиялар вакиллари тақдир этилди.

Анжуманда маъруза қилган БМТ Тараққиёт дастурининг Ўзбекистондаги доимий вакили вазифасини бажарувчи Люке Андерсен, ЕҚҲТнинг Тошкентдаги маркази бошлиғи вазифасини бажарувчи Пэр Нурмарк, Конрад Аденауэр жамғармасининг Ўзбекистондаги ваколатхонаси директори ўринбосари Катрен Дрюсснер, «Ю-ПИ-АЙ» Америка ахборот агентлиги мухбири, эксперт Д.Дейли каби қатор халқаро жамғарма ва ташкилотлар вакиллари ҳамда Ўзбекистонлик мутахассислар сайловлар бўйича халқаро тажриба, ЕҚҲТнинг сайлов стандартлари, Германиянинг фуқаролик жамияти ва демократик сайловлар каби мавзулар юзасидан ўз фикр ва мулоҳазаларини билдирдилар.

Фаррух БҮТАЕВ,
«Mahalla» мухбири.

Хат ва шарҳ

БИНО МАҲАЛЛАНИКИ ЭМАС, ХУСУСИЙ ЭКАН...

Хурматли «Mahalla» таҳририяти!

Биз — Самарқанд шаҳар Сузангарон-1 маҳалласи фаоллари ушбу хат орқали Сизлардан ёрдам сўраб, қуйидаги мақсадимизни байён этмоқчимиз.

Биз, маҳалладагилар бунчи бир йилдан кейин билиб нафақат гаражлар, балки эски шийпондан ҳам ажралиб қолганимизни англадик.

Ушбу қарорга шаҳарнинг собиқ ҳокими Азиз Носиров имзо чеккан экан.

Ҳаммамизга маълумки, маҳалланинг юқори органи — бу маҳалланинг умумий йиғилиши бўлиб, асосий масалалар ушбу йиғинда ҳал этилади. Сузангарон-1 маҳалласида ушбу шийпони хусусий қилиб инъом этилиши бўйича ҳеч қандай қарор бўлмаган.

Маҳалла аҳли фойдаланишида бўлган бинолар қандай қилиб хусусийга айланиб қолди?

А.БАСИХОНОВ,
А.СОДИҚОВ, Ш.ХОЛИҚОВ,
Э.САЛОҲИДДИНОВ.

Mahalla

— Яна нима дейди?
— Навбатдаги универсиада Тошкентда бўлади, — дейди.

ФИДОЙИЛАРГА «МАҲАЛЛА» МУКОФОТЛАРИ!

Мустақиллигимизнинг 13 йиллиги арафасида Ўзбекистон Оқсоқоллар кенгаши ва «Маҳалла» жамғармасининг аънавий «Ибратли маҳалла оқсоқоли», «Энг тадбиркор маҳалла оқсоқоли», «Маҳалла жонқуяри» номинациялари бўйича кўрик-танловларининг ушбу йилги голиблари эълон қилинган эди. Куни кеча голибларга голиблик нишонлари ва қимматбаҳо совғалар топширилди.

СУРАТДА: мукофотларни топшириш пайти.

Mahalla

Ўзбекистон Республикаси матбуот ва ахборот агентлигида

060 рақами билан рўйхатга олинган.

Нашр кўрсаткичи: 148

«Матбуот тарқатувчи» хўссадорлик жамияти

Ташкилот манзили: Тошкент, Матбуотчилар, 32-уй

Телефонлар:

Қабулхона — 136-53-93

Тел/факс: — 133-44-25

Ҳомий:

Масъул котиб: 136-53-75

Хатлар бўлими: 136-57-62

«М.Я» — белгиси остида реклама-тижорат маҳолалари берилди.

Муассаслар:

Ўзбекистон «Маҳалла» хайрия жамғармаси республика бошқаруви, «Mahalla» газетаси таҳририятининг меҳнат жамоаси.

АЗИЗ МУШТАРИЙ! ГАЗЕТАМИЗГА ОБУНА ДАВОМ ЭТМОҚДА. ҲАТТО БУГҲН ҲАМ 2004 ЙИЛНИНГ ҚОЛГАН ҚИСМИГА ОБУНА БЎЛИШИНГИЗ МУМКИН. ЙИЛНИНГ ҚОЛГАН ҚИСМИДА «Mahalla»СИЗ ҚОЛМАНГ!

